



特別
ル 5
3537
9



VECH
e

Faint, illegible text, possibly bleed-through from the reverse side of the page.

Blank page with faint horizontal lines, possibly indicating a ledger or table structure.

特

門 5
號 3537
卷 9

揚州府志卷之十四

河渠志六



海在揚州府境內者江南通志云自淮安府阜寧縣東北折而東南至淮安府鹽城縣東又東南至府屬興化縣東去縣治一百二十里又東南至東臺縣東江南通志本云泰州東是時未折東臺縣也去縣治九十里江南通志本云海云泰州治二百四十里又南至通州如皋縣東

齊召南水道提綱云言射陽口以南寶應縣志云射陽湖在縣東六十里縈迴可三百里南北淺狹自固晉至喻口白沙入海湖之東屬鹽城西至固晉屬山陽東至上射陽屬寶應按此則射陽湖入海之處不在寶應境內

泄水入海之口有六曰野

南洋曰新洋港皆在鹽城縣東北曰大圍口在其東
南曰鬪龍港曰苦水洋曰天開河頭皆在興化東境
凡高郵南北支河東趨興化北為大縱湖海溝河東
為白塗車路梓新三河皆入串場河在興化由此注海今按東
臺縣圖葦子港牖水草堰正牖水首受串場河各出
范公隄合流入海河以西屬興化東屬東臺又東出
西團鎮至鬪龍港入海自草堰牖至西團鬪龍港計
程六十里又東小海正牖水小海越牖水首受串場
河各出范公隄合流經小海團鎮入王家港海口入
海自小海牖至小海團鎮王家港計程六十里又東
丁溪五孔牖水首受串場河出范公隄經沈家竈丁
溪場鹽課大使署入了子港海口入海自丁溪牖至
沈家竈了子海口計程六十里捍海堰即范公隄南
自海門廳廖角嘴西呂四場東西經餘西金沙掘港
等場過王家潭有越隄至李家堡經泰州海安河通
遠橋至東臺縣折而北闕為丁溪小海草堰葦子白
駒一里墩大團諸牖經鹽城縣石碓天妃諸牖抵阜
寧縣河防志云范隄從廟灣沙浦頭歷鹽城興化泰
州如皋至通州界止共長五百八十二里沿隄
墩臺四十三座牖洞八座此堰唐大厯中淮南黜陟使李承所築
自楚州鹽城南抵海陵縣亘百里障蔽潮汐以衛民

田宋天聖五年范仲淹監西溪鹽倉議更築捍海塘發運副使張綸上其事且自請知泰州以仲淹令興化董修築之役六年功成因名范公隄長一百四十三里基濶三丈面一丈高一丈五尺是時泰州又有桑子河堰呂祖謙記云淳熙元年夏六月泰州本部潮上敗捍海堰詔州與兩使者參治維堰初作於文正范公首起海陵尾屬鹽城兩縣間百餘里及是半圯於水有司繕築未幾以訖工聞獨桑子河以南徑如皋境繚許氏莊後皆范公規略所未及今魏侯不以造端立始前無規撫而有所憚半月而堰成其袤三十五里其縱尋有三尺趾廣二丈四尺魏侯名欽緒歷陽人莅役者海陵尉朱棣督護者知如皋縣耿漢知海陵縣穆沂也

按桑子河舊志不載其處捍海堰當時李承范仲淹所築止言

由楚州鹽城南抵海陵一百四十餘里本無南及如皋之事故呂祖謙記云桑子河以南徑如皋境皆范公規略所不及今范隄首起通州北及阜寧亦不止一百四五十里當是兩堰通屬爲一

淳熙三年守臣張子正請築泰州月隄并加修范隄八年提舉淮南東路常平鹽茶趙伯昌言今後捍海堰如有塌損隨時修葺明成化中御史雍泰修之萬厯十年總漕都御史凌雲翼修之

國朝更大加修治具見前卷

江在揚州府境內者禹貢錐指云大江東北逕上元縣其對岸則六合縣又東逕句容縣北其北岸則儀徵縣又東逕丹徒縣北其北岸則江都縣又東逕丹陽縣北又東逕武進縣北其北岸則泰州

大江自六合縣來至儀徵縣西南四十里之東溝始爲郡界東溝發源劉塘爲七都諸水所歸南入於江又東則鑰匙河自縣西南分二派一自西北行六七里至胥浦橋直接銅山源一折而南行里餘爲上口入於江又東則一戩港在縣西南與青山港並爲神山青山諸水所經南入於江又東則運河自縣治東

北四十里烏塔溝與江都縣分界烏塔溝卽句城塘水所從出者西南行合戴子港水戴子港在縣東二十里爲陳公塘下流經宋懷子河故道有二灣一曰望兒一曰相見凡五都六都河北之水皆歸焉有石磯一流入運河經響水通濟羅泗攔潮四牖自下江口以入於江又東爲新壩廢河在縣東十里明崇禎時所開建牖通江因水勢湍急舟不能行以致壅廢又東爲鐵釘港港在縣東南二十里卽珠金沙邊地爲新城三都諸水所會南入於江又東爲黃連港港在縣東南二十五里有橋道通新城其水出楊林橋

以東與何家港對為三都兩圖畎澮諸水所會西南入於江何家港在縣東南三十里接運河南境為三都四都諸水所會南入於江其下口一名窰港又東為麻線港在縣東三十五里接運河南境為五都諸水所匯南流五里與何家港合入於江有石礎一

其沙洲在儀徵縣境內者曰豬鈎沙在縣東十里與鐵釘港相連曰珠金沙在縣東南十里舊志云宋將馮都統與烏珠戰處又元將張宏範以兵船掠珠金沙文天祥詩我作珠金沙上游是也曰長風沙舊志云可遷以舟兵出瓜步迎鑾鎮長風沙與周師會曰白沙洲在縣南三里濱江地多白沙故名南史云南齊於白沙洲置一軍即此地也曰西洲在靈潮堰西北曰天寧洲在縣南十里江中今與南岸相連地接句容丹陽曰新洲在縣東南五里江中舊志謂即宋武

帝徵時伐荻處曰小新洲與新洲相連在縣東大江之南去縣三十里地與丹徒接北新洲與北岸相連在縣東十二里新洲之北橫亘江隔河口冬月水涸舟楫阻滯曰沙漫洲與北新洲相連其東為漁灣有鐵鵝鎮水曰真人洲在縣東大江之中去縣二十八里地與丹徒接曰小真人洲在縣東三十里大江之南曰仰皇洲今江水漫沒不可識曰福德洲在縣東十里夾江之南舊江口與北新洲連曰永興曰萬壽日增課此三洲皆相接而南曰中央洲在北新福德之間曰天祿洲在縣東二十五里大江之中顧炎武郡國利病書言儀徵之洲十日青山味曰一餞港曰朱輝港曰舊江口曰銀錠港曰馬家港曰連連港曰新港曰何家港曰大江又東則江都縣運河於揚州儀徵衛東溝洲場

城南流分為二派曰三岔河一南流經頭廂又分支津東南經瓜洲城南入江即瓜洲月河在廣惠廂之關蓄自青蓮菴起至尤家墩止開月河一道長三百六十七丈九年又於瓜洲西南真人洲開月河一道

長六百四十一丈五公灘開支河長三百六丈夾江
內築貼心壩一道長一百五十五丈五尺又南北兩頭
接築欄其正派稍西南經四壩即通南入江為運河

口明史彙云揚州以南瓜儀並通漕江西湖廣上江

淮所謂江漕也洪武中餉漕卒者從儀徵赴淮安盤壩入淮安由

鹽城泛海餉梁晉者亦從儀徵赴淮安盤壩入淮安由

口則設壩置凡十有三浚楊子橋河至黃泥灣九

千餘丈永樂間浚儀徵清江壩下水港及夾港河修

沿江隄岸洪熙元年浚儀徵清江壩後定制儀徵壩下

黃泥灘直河口二港常州之孟瀆河皆三年一浚成

化中建壩於儀徵通江初復開之既又於總港口

者二已而通江港塞宏治初復開之既又於總港口

建廬蓄水儀徵江都二縣間有官塘五區築廬蓄水

以溉民田豪民占以為業真揚之間運道阻梗嘉靖

二年御史秦鉞請復五塘從之萬曆五年御史陳世

寶言儀徵江口去壩太遠請於上下十數丈許增建

二壩隨潮啟閉以截出江之船盡令入壩庶免遲滯

疏上儀行白塔河者在泰州上通邵伯下接大江與

常州孟瀆河斜對江船由此可免瓜洲盤壩之費與

泰興北新河皆浙漕間道也自陳瑄始開尋於宣德

中浚之建新壩潘家莊大橋仍自瓜洲盤壩瓜洲之壩

塔河水中置凡十五列東西二港永樂間廢東壩為

洪武中置凡十五列東西二港永樂間廢東壩為

以貯木其港盡淤止存西港七壩漕船失泊屢遭風

險英宗初復浚東港及是漕船盡由之既而巡撫周

忱築壩白塔河之大橋以時啟閉漕船稍分行成化

中定白塔河三年一浚視瓜儀例正德二年復浚白

塔河及江口四壩及至鎮江裏河開浚漕船出甘露

新港徑度瓜洲而白塔北新江皆以江路險遠舍而

由矣江防廳冊載此處臨江工段係江防同知所轄

息浪菴前埽工長二百七丈息浪菴彌勒殿自西山

轉角起至馬頭東轉角止長十二丈又馬頭東轉角

石牆長五丈大觀樓西起至息浪菴西山止沿江一

帶築隄一道連越灣長一百五丈息浪菴東山石馬

頭下首起至東土隄上首止沿江一帶護城隄岸一

道長八十五丈花園港三官殿後起至四壩下劉家

橋起至北水關止河長二百二十六丈北水關起至掃工迤南止河長三百二十五丈掃工頭南起至南關壩止河長二百四十二丈南關壩起至基心橋止河長二百四十二丈花園港越隄埽工長五百三十丈以作重門保障瓜洲西門城西月河一道長二百丈真入洲引河二道一長五百五丈一長五百二丈花園港西邱家港挑水壩二座雁翅包灘裏戩共長一百八十五丈舊四廂西龍王廟護埽工長一百三十八丈此皆康熙五十五年至六十年節次濬築也

大江又東則揚子橋水入焉揚子橋在城南十五里即揚子津也一名揚子渡

一名揚子鎮江都志謂古揚子縣治蔡寬夫詩話云

潤州大江東與揚子橋為對岸瓜洲乃江中一渚耳

潮水昔常通揚州城中唐大厯後潮始不通今瓜洲

與揚子橋相連自揚子距江三十里瓜洲以廂為限

雖揚子橋潮亦不通矣

國朝乾隆四年議濬之又東則沙河水入焉沙河在揚州

東關對岸宋雍熙初淮南轉運使喬維嶽開沙河四

十里創二斗門於西河設懸門以蓄泄水利自運河

通揚子江後廢

國朝嘉慶十一年郡人鹽運使銜鮑漱芳濬之

瓜洲至郡城通江各港日瓜洲十壩港在瓜洲運河東西壩凡十壩下各有港以通江日第二港在城東南二十里永正沙日第四港在城東南三十里日第八港在城東南三十五里日深港在城南十五里日華家洋港在城東武十七年兵部尚書單安仁濬日華家洋港在城東南十五里日倒流港在城東南四十五里日雙港在城南十五里日蠅子港在城東四十五里日馬泊港在城南三十里南接深港北接三里溝明洪武二十

六年工部遣官劉子王濬日七里港在城南十里一
名十里港舊唐書云敬宗時王播鎮揚州時所開長
十九里日進水深港在城東北四十七里與以上各
港俱通江又顧炎武郡國利病書載江都之洲一十
五日花園港日新興洲日卞家洲日裕民洲日保固
洲日永豐洲日復寧洲日復業洲日永興洲日小新
洲日順洪洲日復寧洲日復業洲日永興洲日小新
底洲日自陸洲日砥柱洲 大江又東廖家溝首受

運鹽河水東合石洋溝水入焉又東芒稻河首受運

鹽河水有東西牯西合董家溝東合秦塘河入焉又

東白塔河首受運鹽河水東合白汊河入焉大江又

東至泰州濟川鎮濟川河入焉此河在州南自運鹽

河壩三十里至廟灣又三十里至濟川鎮通楊子江

賈舶多由此入有壩五延袤十里自西關口至三汊

河岸今惟中壩存也鄭若曾江防圖攷載儀徵洲地

瓜洲止計一百四十里瓜洲洲地北岸上自花園港

起下至深港止計三十里三洲洲地北岸上自瓜洲

起下至廟港止計一百四十里揚州府北岸上自儀

徵縣東溝起至青山白茅墩止江面四十里自青山

起至羅漢洲止江面八十里中間青山為黃天蕩最

要自下江口起至窰港止江面四十里自窰港起至

何家港止江面里自羅漢洲起至舊江口止江

面八里自舊江口起至蔣八港止江面十里自蔣八

港起至深港止江面十里自深港起至穿心港止江

面六十里三洲洲地北岸上自瓜洲鎮下至廟港止江

港止江面三十里乃瓜儀險要之最自穿心港起至急水

十里圖山兀處江邊與周家橋相對三洲洲地北岸上

都縣地方西至瓜洲與周家橋相對三洲洲地北岸上

里與江南圖山相對中有順江洲江面頗窄水流湍

急最為險要瓜洲鎮係江都縣地方南濱大江東至

沙河港二十里西至花園港七里北至揚州府城四

十五里與江心金山寺相對花園港係江都縣地方

東至瓜洲鎮七里西至何家港十五里商船多於此
住泊何家港係儀徵縣地方東至花園港十五里西
至舊江口十里舊江口係儀徵縣地方東至何家港
十里西至下江口六十里與江心新洲相對下江口
係儀徵縣地方東至舊江口十里西至青山嘴三十
里與江心天寧洲相對其洲接連何家港為江洋要
害儀徵縣城東至瓜洲鎮四十里西至六合縣六十
里東北至揚州府七十里南濱大江上江口係儀徵
縣地方東至下江口約一里去下江口不遠青山嘴
係儀徵縣地方東至下江口三十里西至東溝二十
里東溝儀徵六合二縣交界
正當黃天蕩之中險要尤甚

淮水經流不至揚州其至揚州者清口入運之水及洪

澤湖五壩盛漲泄入高寶諸湖之水齊召南水道提綱

云淮自泗州東北為洪澤湖有老子山在湖口其西北

有睢河自宿州靈璧睢寧東南流注之

湖自泗州之北迤東折而北有
管家店前水東流注之又折而西北至鮑家集東又西
北乃折而東而東南為睢河口睢河始自碭山縣南境
東南流入河南永城縣界東南經蕭縣西境曰龍溝河
又東南有齊村河自東北來會齊村河出徐州府西北
蕭縣北境黃河南岸大山兩源南流合西南流至蕭縣
東南山下為小湖又西南流東匯二泉水又西流合南
一小水又西入睢河蕭縣之西南境也睢河又南流至
徐溪口有小水自西山來注之又東南經宿州北境有
一水自西來注之又東南經靈璧縣北境又東南經虹
縣北境睢寧縣南境青陽驛南又東南百里入洪澤湖
自睢口而東南五十餘里南與老子山相對湖南北徑
五十里自此而東北益廣遂至徑百六十餘里矣
按黃河南岸如有漫溢上自河南下至睢寧等處水
皆遞入洪湖而毛城舖減壩及峯山四牯減下之水皆
由孟山崔家等湖出歸仁隄以入洪湖洪湖漲溢則高
堰受險而揚郡下河即鮮寧居乾隆五十四五等年睢
工周家樓等處漫水皆開山野五壩及高郵車邏等壩
故言揚州河渠者不得僅於揚州言之當合全河而籌
其利病全河治而自睢口東南折而西北六七十里又
揚州河渠始治也

折而東而東北經桃源縣南境有小水四自北來注之
南自老子山南岸迤東北百五十餘里爲高家堰其北
岸卽清河縣之御壩始爲全湖之委北流至清口黃河
西自清河縣城南來會與河合東北流東分支渠南爲
運道

山盱五壩始末初洪澤湖東南周家橋與高良澗古
溝等處明嘉靖間泗陵太監以淮水暴漲陵木致淹
設立牘座以備宣泄其牘底以石爲梁上畱四尺水
頭如滾水壩之制水大則泄水小則止隆萬間總河
潘季馴重修仍有石限其上不許過船萬曆二十五
年重修其後奸民利通客船夤緣建議將牘開深一
倍五倍改石限爲牘版繼因泗州水大發議開周橋
泄之其時南河郎中黃曰謹疏稱高家堰與周家橋
相接一隄特堰迤北而橋迤南耳堰以內與橋以內
相連一淮特堰地稍低而橋地稍高耳使周橋可開
則堰何事守高堰當守則周橋必不可開故開周橋
者乃開堰之別名也從前高堰常決淮水由堰而東
黃水亦躡淮後徑趨大澗口破黃浦口入射陽湖清
口遂淤海口幾平夫周橋距堰甚近黃能躡淮而至
高堰獨不能躡淮而趨周橋乎淮退一尺則黃進一

尺黃既侵淮而入則必不能敵淮而出如是而清口
不淤運道不阻未之有也事遂寢又南河郎中顧雲
鳳亦力言施家溝周家橋斷不可開譬之淮泗百石
之甕也高寶諸湖升斗之罌也芒稻河杯勺之斟也
以罌之腹而欲受甕腹之所受其數不勝也以罌之
口而欲出甕口之所出其數又不勝也今爲導淮之
說者計止當導淮於海而不可導之入湖云云至翟
家壩在周橋迤南接盱眙縣界壩長二十五里北連
周橋壩比高堰石工低二尺許稱天然減壩此天然壩所出
名中有古溝深尺許舊有石牖亦有石限止畱四尺
水頭水入民田不通河路

國朝順治十六年歸仁隄決康熙元年歸仁隄再決南河
郎中吳煒擅開周橋致淮水大泄而黃河逆入清口
又挾睢湖等水從歸仁隄決口入與洪澤相連直抵
高堰衝決翟家壩流成大澗九條其水東注悉歸高
寶諸湖揚州歲以災告至康熙三年始定計障淮刷
黃議修築翟壩十二年決高良澗遂決運河之清水
潭十五年決武家墩版工一處高家堰石工一處高
良澗版工二十七處十六年總河靳輔塞武家墩高
家堰諸大決口十六處十七年舩築周橋翟壩隄工

三十里塞高良澗等大小決口二十五處自是淮水
始歸故道十八年靳輔疏報翟家壩成河九道盡行
閉合十九年卅建周橋高良澗武家墩唐埂古溝東
西減水壩共六座此六壩
所由名周橋壩長十四丈高良澗
壩長十丈二尺武家墩壩長十丈唐埂壩長四十八
丈古溝東壩長三十四丈五尺古溝西壩長五十三
丈五尺三十九年因欲蓄湖水以敵黃疏通清口總
河張鵬翮奏閉高堰六壩仍於翟家壩原有天然滾
壩之處酌留天然滾水壩一百十餘丈若汎水大時
再於蔣家壩在高堰
迤南盡頭處原有之清水溝河以及
涵洞酌量開放若水小仍閉塞四十年三月

上諭內閣曰今治河事雖稍有緒未可遽稱底績唐埂六壩俱
已堵塞夏秋時黃河水溢加以毛城舖水復入洪澤湖波濤
汹涌高家堰甚可危目下清水流出雖於運船有益但高家
堰一有衝決淮揚一帶地方俱不可保其爲患甚大將所修
如許工程俱付之無用矣昔于成龍任總河時不塞唐埂六
壩非無所見蓋慮此而不行也今斷不可不慎加防護凡此
皆朕親臨所見者非紙上空言也五月

上復諭內閣曰前高家堰閉塞六壩時朕謂六壩塞完後泗州
盱眙等處必被水淹曾向九卿降有諭旨今六壩方經閉完

洪澤湖水長泛溢泗州盱眙等處城郭果被水災高家堰隄益覺危險朕為此時屢於懷且天災靡定萬一有異常風暴及地動雷震之事亦未可知儻若高家堰至於危險則揚州淮安皆被災矣朕日夜念此甚切憂懼高家堰隄作何保守堅固或另有修治善策著張鵬翮陳奏可差爾衙門中書一員前往張鵬翮奏以泗州等處被水非由閉塞六壩之故現在六壩既閉高寶興泰等縣田地涸出民得耕種等語

上以前旨令張鵬翮陳奏修治善策並非欲開六壩救泗州盱

眙之民而張鵬翮但知有淮揚地方不知有泗州盱眙

嚴旨切責之四十二年

上南巡親臨

命於山盱汛建南北中滾水石壩三座

此三壩所山名

南壩長七十丈

地形稍高由身高六尺三寸北壩長七十丈由身高六尺八寸中壩長六十丈由身高六尺八寸其天然北壩一座仍前設立長六十丈壩基高七尺四十四年

命於三壩之下挑濬一河兩旁築隄束水入高郵邵伯諸湖湖

外亦量築土隄不使漫溢至乾隆十六年

高廟南巡親閱復

命增二壩以前三壩爲仁義禮新增二壩爲智信定爲五壩并欽定開放機宜必俟湖水十分漲盛始於仁義禮三壩酌開一

壩以次相度情形酌開俟仁義禮三壩過水三尺五寸則開智壩水勢不減乃次及於信其天然壩立石永禁開放

揚州運河上自山陽縣黃浦與寶應縣交界起下過郡城少折而西至三岔河南行至瓜洲入江止爲糧運正道又自三岔河西南行至儀徵縣入江止爲鹽船入江之路歷寶應高郵甘泉江都儀徵等州縣設揚河揚糧通判江防同知分管茲以運河爲經將兩岸支河溝港壩壩涵洞各歸東西隄分別言之

運河東岸黃浦壩二座在黃浦鎮南金門各濶一丈二尺水入黃浦溪東入凌溪又東入黃昏蕩滙爲馬家九里等蕩由九里溝李家溝西建岡河東至鹽城縣北申場河出范隄由石礎天妃等壩入海運隄又南有徐家小壩今廢運隄又南有李家涵洞有儒學涵洞運隄又南有孫家小壩此壩明壩暗洞金門濶二尺四寸運隄又南有七里溝在縣北七里首受運河水東入黃昏蕩運隄又南有躍龍壩原係木涵洞

改建石牖金門濶一尺八寸水入城南門下望直港
 入章思蕩通蜺蠓火盆諸蕩亦入九里蕩出九里河
 經鹽城北串場河出范隄天妃石礎等牖入海運隄
 又南有朱馬灣牖金門濶六尺六寸水入章思火盆
 諸蕩滙入大縱湖出東塘西塘等河經鹽城縣北串
 場河出范隄天妃石礎等牖入海運隄又南有杜陽
 涵洞運隄又南有狼兒牖金門濶六尺六寸水入廣
 洋湖有長沙溝水亦入廣洋湖經平望湖入大縱湖
 出西官河經鹽城縣南串場河出石礎牖入海運隄
 又南有邱家涵洞有范家涵洞有從家涵洞有泚水

牖金門濶六尺六寸又南有永安牖金門濶三尺五
 寸水入郭正湖北滙廣洋湖經平望湖入大縱湖出
 西官河經鹽城縣南串場河出石礎牖入海運隄又
 南有成張涵洞有成家涵洞又南有減水石牖內設
 磯心二座計三門每門濶二丈有喬家涵洞王家涵
 洞軍河涵洞張家涵洞王家涵洞又南有子嬰牖二
 座在縣南六十里子嬰舖北水入子嬰溝經時堡鎮
 入護金蕩蜈蚣湖出東官河由紀家港歸串場河出
 范隄由青龍八竈大團等牖入海

河防志載子嬰溝
 牖水流六十里至
 時堡入郭正湖東北由西塘河建陽河至老鶴尖亦
 會鰕鬚夏梁水矇矓河與此不同但下河歷次大水

之後水道自亦遷徙不常茲乃就護金蕩者在興化

縣北合蜈蚣湖大縱湖九里蕩馬家蕩等湖滙為一

其東北出鰕鬚溝經阜陽縣出射陽湖口入海從鰕

鬚溝迤南如西建岡河李家溝九里河東西塘河東

西官河與鹽界河海溝河河防志海溝河東流至白駒

一南插皆經申場河會流戚家團牛灣河入滷河口歸關龍港白塗河河防志白塗河水流入草堰插亦

歸關龍港皆其通串場河之水道由串場河各按

水道出范隄自南至北由丁溪小海草堰葦子白駒

一里墩青龍八竈大團等插入海其自丁溪插出海

者由王家港海口小海草堰插出海者由關龍港海

口葦子白駒一里墩青龍八竈大團等插出海者由

野海洋海口運隄又南至高郵州界河防志高郵護城隄自攬軍樓

北石工頭起至華嚴寺輒工頭止長一千六百五十五丈康熙三十九年修築於舊石工上鑲柴歷土高五

尺有界首插

在界首鎮金門寬四尺六寸水下馬寬

河亦入護金蕩運隄又南有看花涵洞口門寬一尺

八寸水下郭家大河時家蕩等處運隄又南為陸漫

鎮插又南為慶豐涵洞口門寬高一尺八寸又南為

清水潭靳輔治河書清水潭之決深濶異常下埽填土隨下隨濬竊計決口不患其濶而患其深

決口雖深而決口之上下五六丈未必加深其法當避深就淺於決口上下退離五六丈為偃月形

抱決口兩端而築之計所築之隄其長必數倍於決口然較其淺深必減七八九倍不止因命於決口之

上測之果深不過六七尺然老土難得因命回空漕船每船載老土數千方計方給價大抵皆梁王城之土土性膠凝絕勝他土於是立標授工就湖中越築之每下埽箇內釘排椿外填坦坡築成西隄一道長九百二十一丈五尺東隄一道長六百五丈更挑繞西越河一道長八百四十五丈凡一百八十五日而工竣改清水潭日永安新河原估銀五十七萬兩止費九萬兩有奇河防志草大王廟裏口埽工長一百五十丈又龍門南北灣裏口埽工長一百二十丈俱於康熙四十年修築又南為二淺

插金門寬四尺八寸水下洋馬蕩東滙馬莊蕩董家蕩入護金蕩出海溝河白塗河歸串場河出范隄由草堰牖入海運隄又南為一淺牖金門寬四尺八寸水入北官河下洋馬蕩與二牖水道同運隄又南為

欄河金門牖金門寬六丈五尺又南為通湖橋涵洞口門寬高一尺八寸舊係通湖牖改建水下運鹽河又南為南水關涵洞口門寬高一尺八寸水由南水關入市河出北水關流入通湖橋引河滙入運鹽河又南為琵琶牖涵洞口門寬高一尺二寸水下城濠入通湖橋引河滙入運鹽河又南為南關舊大壩長六十六丈係草壩康熙十九年建乾隆二十年永閉又南為南關大壩即舊五里滾水壩長六十六丈係石壩康熙四十一年建乾隆十一年加高底石一層牆高石脊七尺五寸水由南橙子河歸總橙子河經棋盤蕩出梓新車路諸河

河防志車路河承得勝湖水流入丁溪雙門牖至若

水歸串場河出范隄由丁溪插入海運隄又南為南

關新壩長六十六丈係石壩乾隆二十二年建牆高

石脊一丈一尺水入南關大壩引河又南為五里中

壩即舊八里舖滾水壩康熙四十七年建牆高石脊

一丈二尺水入南關大壩引河此壩地勢最卑壩底

較諸壩亦為獨深尤不可輕易開放其引河亦入橙

子河與南關大壩同又南為柏家墩舊大壩長五十

四丈係草壩康熙二十年建乾隆二十年永閉又南

為車邏大壩長六十四丈係石壩康熙四十一年建

乾隆十年加高底石一層牆高石脊七尺七寸水下

菱絲溝由橙子河與南關大壩同又南為車邏耳壩

金門寬一丈二尺乾隆五年建水入車邏壩引河又

南為火姚插金門寬四尺八寸水入淶洋湖又南為

三十里舖又南接甘泉縣界為露筋鎮又南為荷花

塘又南為昭關壩河防志東隄舊有嵇家插即鰍魚壩因水衝卸康熙四十年改於昭

關廟建滾水壩長七丈在邵伯鎮北五里乾隆二十

二年與高郵州南關新壩同時建合南關大壩五里

中壩車邏大壩定為運河五壩上與高堰五壩較準

尺寸相為表裏此壩下開支河流入苻絲湖北入淶

洋湖經總橙子河東入棋盤蕩由梓新河歸入串場

河出范隄由丁溪牖入海串場河者南自泰州海安

首受運鹽河水

此即灣頭壩下之運鹽河

東北至通遠橋少折而

西北淤溪

河防志淤溪水經何梁由昏子河亦至苦水洋

秦潼之水上自秦

州城北來滙經東臺縣北行直抵鹽城縣為南串場

河又北抵阜寧縣為北串場河所受之水自興化以

南如梓新車路白塗諸河興化以北大縱湖以東各

支河皆受焉又南為二牖三牖俱有引河歸入苻絲

湖又南為邵伯鎮

河防志邵伯更樓康熙三十八年六月衝決長五十六丈五尺水深

四丈難堵塞十九年鵬翮恭奉謨下埽堵塞刻日成功置鐵犀一座鎮之

又南為毛

家橋支河閔家橋支河滙入南塘歸艾陵湖艾陵湖

在邵伯鎮東阮昇之記云齊高宗建武五年過艾陵

湖水立裘塘屯即此處也其水正東出者直至泰州

以北入淤溪秦潼歸串場河其東南出者經仙女廟

入運鹽河

此亦灣頭牖下之運鹽河以下皆同

其東北出者分為二支

一為宗村河稍南入官河一為小紀河經淶洋湖東

入總橙子河運隄又南為北牖又南為中牖又南為

金灣新壩與南中二牖水俱滙為金灣新壩河至人

字河頭分為越河俱穿運鹽河南出江都縣境之芒

稻河東西牖歸江運隄又南為金灣舊壩其水亦穿

運鹽河南出江都縣境之董家溝會芒稻河歸江運

隄又南為東灣壩又南為西灣壩河防志東西灣東隄康熙四十年修築長五百七十二丈兩壩水滙為東西灣壩河穿運鹽河南出

江都縣境之石洋溝會廖家溝入江運隄又南為鳳凰橋河亦穿運鹽河南出江都縣境之廖家溝會石

洋溝入江運隄又南為壁虎橋河亦穿運鹽河南出江都縣境之廖家溝石洋溝入江河防志寶應縣黃浦起至甘泉縣壁

虎橋止計程二百三十二里康熙三十八年加高三尺底寬四丈頂寬二丈臨河簽定排椿至康熙四十年排椿損壞改坦坡自寶應寶林菴起至壁虎橋止又加修埽灣迎溜處排椿及加鑲石工柴土共長一萬八千七百三十五丈七尺運隄又南灣頭壩下水東行為運

鹽河傳為吳王濞所開通海陵倉自灣頭河壩起東行七十里至斗門入泰州境又東過姜堰海安入通

州如皋境東抵通屬各場自灣頭壩下起其北岸來水壁虎橋水鳳凰橋水東西灣壩水金灣新舊壩水

及江都境之高家壩孔家涵徐家涵楊家渡顧家圩五里廟景鐵溝宜陵涵龍耳河以次而東諸水皆通

焉其南岸則廖家溝石洋溝董家溝芒稻河秦塘河白塔河或分或合皆入江之路河防志金灣三壩并

人字河分小支由蕭家口入艾陵湖鳳凰壁虎二橋及灣頭壩水流至董家溝小支下芒稻河正流三里會入字河水勢七分入芒稻河三分由運鹽河東流經宜陵鎮抵泰州城又東流經姜堰海安由律法橋下運隄又南經郡城東關對岸有沙壩河入江運隄

又稍折而西南有楊子橋水入江又西南至三岔河
南行其對岸亦循高旻寺南行經頭牐此河遂分支
津東南經瓜洲城南入江其正派稍西南經四牐南
入江是爲瓜洲運河口又自三岔河西南行經儀徵
縣響水牐等四牐西南入江是爲儀徵縣江口自郡
城以南東岸洲港俱詳大江條下其歷年增補土石
輒埽各工俱見於前

西隄自淮安裏河廳與揚河廳交界處南爲葉雲洞
又南爲葉雲雙牐又南爲竹絡壩又南爲王隄洞水
通白馬湖在縣北十五里東西長十五里南北濶三
里西連三角邨北接黃浦北出有溫山溝又西有河
名護城河北入鹽河又西有魚籃牐又稍西當湖之
尾有潯河水亦入鹽河縣西五里又有蒲塘溝接白
馬湖三里溝在縣西三里又接焉縣西北十里有張
大夫溝白馬湖與青蕩湖滙爲一又東爲秤鈞灣運
堤又南爲北宏濟大牐又南爲南宏濟大牐卽瓦甸
牐又南爲通湖小牐又南爲減水壩隄外爲清水湖
在縣之南東西長十二里南北濶十八里南連汜光
湖湖在縣西十五里東西長三十里南北濶十里東
北連清水湖南會津湖西通曬火湖湖在縣南四十

里西通衡陽湖衡陽湖在縣西南六十里西抵衡陽
鎮東入曬火湖有金釵澗由縣南七十里入焉有忠
心澗自縣南八十里入焉其南則高郵界矣此澗南
接安宜溪東北入汜光湖有赤水澗自縣西南七十
里入焉有魚池澗自縣西南八十里入焉津湖在縣
西南六十里東通運河西北會汜光湖南接高郵界
此湖三國志作精湖蔣濟傳黃初六年車駕卽發還
到精湖水稍盡盡畱船付濟船本歷適數百里中濟
更鑿地作四五道蹴船令聚豫作土豚遏斷湖水皆
引後船一時開過入淮中卽此處也凡此諸湖統名
寶應湖由草子河西北接高堰又迤南行有南北東
水隄上承五壩又通洪澤湖蔣家壩河諸湖之西有
陰隄河明萬厯十九年知縣耿隨龍所開以灌西北
高家壩插頭橋等處高阜之田并使舟行者不復由
湖免風濤之險白水塘更在諸湖之西顧祖禹方輿
紀要云在縣西八十五里濶二百五十里北接山陽
西南接泗州盱眙縣界亦曰白水陵魏鄧艾所作與
盱眙破釜塘相連開八水門立屯溉田萬二千頃宋
元嘉末嘗決此塘以灌北魏軍大業末破釜塘壞水
北入淮於是塘亦涸唐證聖中始修開置屯田長慶

中復修今縣西南有徐州涇青州涇西南五十里有
大府涇蓋是時發青徐揚三州民鑿涇灌塘因名大
府謂揚州也又縣治四里有竹子涇亦長慶中所開
周廣順三年南唐楚州刺史田敬洙請修塘溉田以
實邊不果成宋嘉定六年獻議於朝者謂白水塘東
至浮圖莊南至褚廟岡脊大堰廢而不治今脊猶在
若復之寶應高郵諸湖相接游波所及如衡陽阜三
角村等處皆浸淫至城形勢自張劄本州委官相度
司法尤焞議略白水塘周圍一百二十里地涉山陽
盱眙兩縣所堰之水通富陵河其原出自塘山在盱

眙之南山蓋因塘得名此山凡四十里水自高而下
乃至劉家渡入富陵河而白水塘三堰一曰潭頭下
堰一曰河喜中堰一曰劉家上堰下堰至中堰十二
里中堰至上堰五里其上又有鏜浪堰在塘內蓋三
堰既制則塘山四十里內之水不得入富陵河然後
東漚爲白水塘今修設三堰之功不宜苟簡若有潰
決則洪澤沿淮受害非輕又塘之西南二面皆因岡
阜爲限東北二面乃是古淤平地築成塘岸脚濶十
餘丈歲月既久岸脊與塘面相平合先增築塘岸高
一丈以上方可瀦水塘舊有八斗門以溉塘下田亦

宜修復塘之復有三難有二利民間所佃塘內上腴之田三千餘頃廬墓莊院皆在焉瀦之必怨一難也塘內水盛隄岸難測如黃家圍一帶居民千百家所合遷徙二難也工役甚大爲費不貲三難也塘下西北地高亢民田多荒東北亦有高田灌注則成沃壤一利也盱眙之民如兩家渡等處可因水限隔就高保聚絕敵入小路二利也但夏秋之間旣開斗門灌注則冬春水勢必殺無以待敵而盱眙保聚止是一鄉不能盡杜他岐竊見此塘本在高岡決水自高而下塘下臨衡陽阜二十里三角村三十里果係向來

邊兵經行橫趨大儀之路可決而灌之至楚州城去

塘百里水勢至此已殺若敵自淮陰直趨城下凡四

十五里地形高仰又是水所不及兼作塘之後又須

列寨防守以備敵入掘堰且常巡隄岸以防衝決議

未及行

寶應縣志云元初置洪澤屯田萬戶府引塘水以溉屯田

又有羨塘亦在

縣西南與白水塘合唐會要證聖中開置白水塘羨

塘屯田是也運隄又南至界首西岸入高郵州境

自陽縣交界以來五淺西隄秤鈞灣康熙三十八年創

石工一段長二百二十八丈四淺宋家尖創建石工

一段長九十六丈六淺五淺四淺一淺西隄舊石工

殘缺四十二段康熙三十五年修築又加高石二層

界首西隄石工長一千七十五丈七尺康熙三十八

年興砌陸漫厝西隄石工長一千六百二十五丈五

尺康熙四十年修建永安西隄石工
九百七十丈康熙四十一年築竣

又南爲通湖牯

又南爲通湖港二十有二其石港曰萬家塘口門五丈五尺曰杭家嘴口門十二丈曰通湖橋口門十二丈曰夏家橋口門一丈六尺曰姚港口口門十六丈其土港曰越河頭港長六丈曰施家港長十三丈曰思賢港長十二丈曰柳園港長三十四丈曰賈家港長十二丈曰陳家港長二十丈曰何家港長二十丈曰四汊港長二十五丈曰孫家港長六丈曰車邏港長三十丈曰舊越河港長十二丈曰新越河港長十七丈曰水廟子港長十三丈曰南陳家港長十一丈

曰南孫家港長六丈曰薛家港長六丈曰秋子港長八丈以上土石各港平時俱用草土實閉湖水漲發始開放入運河以資宣泄隄西爲高郵諸湖北連汜光白馬而通洪澤凡天長以東諸水盡匯此湖長濶一百五十餘里湖之名目繁多然皆無畔岸莫可主名今始據舊志列其名目方向言之蓋當時猶未會爲一也曰新開湖在州治西北三里曰贊社湖在州治西三十里通鵝兒白湖曰平阿湖在州治西八十里通天長縣桐城河曰珠湖在州治西七十里曰張良湖在州治北二十里通七里湖曰石曰湖在州治

西北五十里通甃社湖曰姜里湖在州治西五十里
通塘下湖曰七里湖在州治北十七里西通鵝兒白
湖鵝兒白湖在州治南二十里通張良湖武安湖在
州治西南三十里通露筋河曰塘下湖在州治西四
十里通甃社湖一名赤岸湖舊志有云三湖者在州治西五里蓋本繫年錄有樊良等三湖縣亘三百里宋紹興初張榮聚眾擊敵於此大抵卽新開甃社而樊良據其中耳不得有方向的所也又云有五湖在州治西六十里蓋本蔣之奇詩三十六湖水所瀦其尤大者爲五湖是五湖亦統別湖而成名亦不得有方向的所也其天長水道入湖之路有秦蘭河在州治西六十里自治山發源入武安新開等湖其河過天長縣至秦蘭鎮大橋以北屬高郵有石梁

山河發源大雲山過天長縣入新開等湖有三汊澗河五汊澗河皆自天長縣北入新開等湖其由高郵諸湖北通寶應諸湖水道有華家灘又東有相家澗又東有菜花港其諸湖附近溪灣溝蕩之可名者曰石梁溪在州治西北自天長縣發源入新開湖曰平阿溪在州治西亦自天長縣發源入湖曰樊良溪在州治北自天長縣流入珠湖卽古之樊良湖也樊良湖見徐堅初學記云山陽縣有樊良湖射陽湖津湖今樊良在高郵射陽半屬寶應津湖在寶應其初則俱屬山陽也曰曹家灣在州治西南十五里康熙六

十一年曾濬之曰父子灣在州治西五十里通珠湖
日落帆灣在州治北十五里曰柳溝在州治西北通
平阿溪曰觀溝在州治西北四十里東接聶里黃林
諸蕩曰坳溝在州治西北十三里南入新開湖曰展
溝在州治西北九十里南屬高郵北屬寶應曰新溝
在州治西十里東南抵運河西接塘下湖曰夾溝在
州治西二十里昔人開築以避武安湖曹莊嘴風浪
之險者又有北夾溝在黃林中村鎮西屬泗州衛東
屬高郵曰馬灣蕩在州治西北三十里黃林邨東通
新開湖曰黃林蕩在州治西北三十五里東通馬家
蕩曰聶里蕩在州治西三十里沛城邨南通七里湖
東至新開湖曰三里蕩在城西七里曰叔兒蕩在城
西七里曰燒香港在州治西北十里通鵝兒白湖蓋
宋南渡後畫淮爲守燒香者不得之泰山皆至高郵
東嶽行宮故名曰茅塘港在州治西十五里雍正二
年曾濬曰羅家港在城西二里曰楊絲港在州治西
七十里曰洋洋港在州治西曰四汊港在州治西南
五里曰五汊港在州治西南十里曰王家港在州治
西南五里引高郵各湖之水入邵伯湖乾隆元年濬
運隄又南入甘泉縣界有小河口又有露筋牖外爲

邵伯湖舊謂此湖東接艾陵西接白茆南通新城北
接甓社自築運隄之後邵伯湖在上河艾陵乃在下
河矣邵伯湖與黃子等湖通黃子湖在府城北六十
里東通邵伯湖赤岸湖又在黃子湖西朱家湖在府
城北五十里其湖與邵伯湖相連之處名湯家絆新
城湖在府城西北四十五里白茆湖在府城東北四
十五里萬厯志云此六湖皆在官河上岸水相接連
邵伯湖西南有楊壽壩大儀等處之水入焉又西南
庇豐菴有支河甘泉山後老壩橋諸處之水入焉運
隄又南爲荷花塘今決口堵築處也又南爲三溝壩
又南爲鰍魚港爲菜花港爲廟港爲陳家港爲木排
港爲紅橋港爲鐵牛港爲梁家港爲毋家港自毋家
港以次而北諸港俱滙爲後河北接邵伯湖後河又
西南滙爲董家湖西北則入朱家湖朱家湖之南口
南流爲王家河西有梅家莊閻家莊田溝東有胥家
莊田溝王家河又南流至孔家橋與董家湖水合東
南行爲尤家窪引河流入尤家窪王家河又於尤家
窪引河稍西分一支河亦西南行有錢家莊葛家莊
謝家墳卜家嘴西卜家嘴東田溝五處與尤家窪俱
入越河越河在運河西北對東岸金灣北牖起由運

河分出迤南與東岸西灣壩相對止歸入運河縣境運河
西隄石工自露筋起至三溝止長二千六百十五丈康熙四十一年修補南皆土隄運隄又南有懷子河匯小新塘上下雷塘之水達槐家河入焉
雷塘在府城西北十五里上塘舊長廣六里餘下塘長廣七里卽雷陂其名始見江都王傳小新塘在上雷塘之東北水注上雷塘轉注下雷塘舊亦長廣二里餘南宋趙范殪鉅賊李全處此三塘與句城塘及儀徵縣境陳公塘號爲揚州五塘閱千餘年修築疏濬因時制宜各有成效逮明嘉靖中五塘爲權豪佔廢

國朝雍正六年議復不可復成止令將烏塔溝接句塘口計長二千八百七丈槐子河接小新上下雷塘口計長一千八百五十四丈挑濬其儀徵縣帶子溝至陳公塘見今接連運河毋庸挑濬明盛儀五塘議略曰江都縣有上下雷塘小新塘句城塘儀徵縣有陳公塘今之所謂五塘也自漢時有雷陂釣臺陂卽塘至獻帝建安四年陳登爲廣陵太守凡淮揚之塘堰皆其經理其地勢西高東下自壽而來不止一重水有蓄積其在揚也五塘在上流漕隄在其中捍海堰則其下也晉隋唐宋均盡心焉唐貞觀十八年李襲譽

引雷陂水又築句城塘以溉田八百頃開元初杜佑
爲淮南節度使決雷塘以廣灌溉斥海濱棄地爲良
田貞元四年節度使杜亞自蜀岡之右引陂水趨城
隅以通漕溉田長慶二年鹽鐵使王播自闔門外古
七里港引陂渠注河以便漕此唐人之用塘見於唐
書者如此也宋熙寧九年劉瑾言陳公等塘可興置
宣和二年以真揚等州運河淺澀委陳伯亨措置又
漕臣錢沖之言真州之東二十里有陳公塘見有基
址可復靖康時詔淮南運使陳邁引句城陳公兩塘
達於河渠此宋人之用塘見於宋史者如此也元人

海運疎於漕河然至元十八年猶造牖於上雷塘者
蓋漕河非塘水則南北不通故也洪武八年北征舟
至灣頭河淺不能前進奏開四塘下水一時得濟十
四年旱解京御鹽船至開塘放水船始得行永樂二
年平江伯陳瑄總理漕河全資塘水濟運十五年皇
木淺阻亦開塘以濟是時塘內積水常八九尺非遇
至旱運河淺澀不敢擅放成化四年侍郎王恕奏於
上下雷塘各築石牖一座木礎二座於句城陳公二
塘各增築隄岸石牖一座石礎二座正德十六年大
旱四塘圯運舟淺閣嘉靖十三年知府侯秩建議重

重修揚州府志 卷之十四
修句城塘治大牐一座減水牐二座十八年運河水
涸管河郎中畢鸞白漕河總督等令府縣督役重修
時所修上下雷塘小新塘陳公塘東塘柳塘橫塘鴨
塘凡江儀之塘一十有三今之所修蓋九而不意是
後有倚勢占塘者將塘牐之石毀折移徙以致時水
暴至不能節制徑入高寶山陽諸湖溢決隄岸東方
之州縣盡沒而灣頭以南河道淺涸運舟阻滯濬亦
不通矣潘季馴河防一覽云或問五塘蓄水濟運先
年設有隄牐今皆圯矣可不復舉乎應之曰馴初至
時亦嘗銳意求復反復行勘查得小新塘與上下雷

塘相接西去揚州郡城十餘里水由淮子河入漕河
句城塘西去揚郡幾三十里水徑奔儀徵由響水牐
出江四塘皆隸江都縣陳公塘隸儀徵縣其水亦奔
響水牐出江句城陳公二塘地形高亢水俱無源惟
藉雨積小新上下雷三塘受觀音閣後上方寺後并
本地高田所下之水局面窄小蓄水無多漢唐時築
塘積水不過爲溉田之計非資運也今若慮漕渠淺
涸借此水濟之則不宜築塘以障其流縱有牐座宣
泄無幾且冬春運河水淺彼先涸矣若慮湖水漲漫
借此塘障之則諸水皆從揚儀徑奔出江與諸湖了

無干涉也如欲復前人之故業蓄水以溉高亢之田於民未必無益但民間承佃爲田輸價不貲歲納之課又不貲必須盡行償貸築隄建牐費尤不貲矧田高之民欲積田窪之民欲泄築隄建牐之後盜決者多必須添設官夫防守種種勞費難於措辦此馴謂其尙可緩也運隄又南至高橋橋以外有壩橋以內爲柴河亦名草河迤西而南出長春橋合保障河保障河北至蜀岡下又南有廿四橋水來注之又南出紅橋經硯池口至南門外二道溝入運河方輿紀要云保障河在府西四里城北三里舊有柴河東連官河西接市河入城而城西一望平原別無濠塹崇禎十年始自柴河口引城東運河繞西郭復折而西南接城南二里之寶帶河仍合運河延袤十六里時又於近河東岸緣壘爲城上爲敵臺因名保障焉運隄又南有黃金壩水西行過邗溝廟經迎恩橋又南行至郡城北水關與北門城濠水合流亦入保障河運隄又南至郡城東北隅便益門有城濠首接運河濠口亦有壩壩內水西經便益門又西經廣儲門又西經拱宸門卽天寧門又西經北門折而南過西門又折而東過南門入運河其穿城市河一自新城拱宸門水

關入南經大東門弔橋又南經小東門弔橋至挹江門水門出鉞橋接運河此新城未建以前城東面之

濠河也一自舊城北門水關入至南水關出響水橋

入運河舊志云明嘉靖間巡鹽御史吳悌同知府劉宗仁開濬市河并關水門歲久淤塞萬厯間

知府吳秀重濬至國朝康熙十三年知府金鎮重濬後舊城市河全涸新城市河僅通而不能與運河

相接雍正九年知府陳宏謀請將水利餘銀興工開濬十一年知府尹會一復濬深保障湖一帶以濬內

河之水不致外泄今保障湖一帶俱屬深湖新城市

河亦可通舟楫唯舊城市河歷北門水關橋至開明

橋過文昌樓下水洞南至通泗橋太平橋新橋出南

門水關橋兩岸民居稠密河道淺窄當嘉慶二三年

間郡中紳士釀金開濬不旋踵而復涸止一線溝渠

此河於本郡文運極有徵驗現在當事者籌議疏濬

運隄又南至對岸文峰塔北折而西名寶帶河明萬

厯間濬以挽河直流運隄又西南為新河亦明萬厯

間濬自南門二里橋入西折而南又折而東運隄又

西南至三汊河又西南行至烏塔溝句城塘水從此

出焉此溝與江都縣分界儀徵縣志云此外有潮溝

圩倉臺圩天寧莊鴉鵲莊徐家運隄又西南行有戴

圩帶子溝皆通漕河以入於江子港陳公塘水從此出焉運隄又西南行至儀徵縣

經四牖以入於江餘詳載江水條

揚州河官之設見於前代者宋史河渠志載徽宗崇寧

元年置提舉淮浙澳牖司官一員掌杭州揚州瓜洲澳

牖凡常潤杭秀揚州新舊等牖通治之元史成宗本紀

大德三年自通州至兩淮漕河置巡防捕盜司凡九十

九所明會典載天順元年差主事一員管揚州河道

是時因都督徐恭奏揚州一帶寶應汜光邵伯高郵等處隄岸衝決數多清江提舉司造船主事不能兼理請增設管河主事一員從之成化七年罷主事設郎中一員所管河道自

儀徵至沛縣是時分河道為三節北自通州至德州南至濟寧屬按察司官一員又以

侍郎一員總理罷主事御史十三年又令河道自通

州至濟寧濟寧至儀徵仍以郎中二員分理憲宗實錄

成化二十二年戶部會官議覆漕運巡撫等官所陳事

宜揚州府朝宗二牘宜增設牘官一員從之孝宗實錄

宏治八年裁革淮揚二府管河通判及山陽清河睢寧

儀徵四縣管河主簿各一員

國朝會典載南河分司駐劄高郵州順治初差漢司官一

員三年更代康熙九年添差滿司官一員筆帖式二員

十年裁筆帖式十七年裁分司分歸淮揚道管理從總河靳

輔請也淮揚道駐劄淮安府凡淮屬之山陽清河安東鳳

屬之泗盱並揚郡所屬河道舊為南河分司所管者悉

歸本道管理其時揚州府管河通判一員駐劄府城所

轄寶應縣縣丞一員駐劄縣城修防運河汛地上自山

陽縣界起下至劉家堡止寶應縣主簿一員駐劄縣城

修防運河汛地上自劉家堡起下至高郵州界止高郵

州州判一員駐劄州城修防運河汎地上自寶應縣界起下至永安河止高郵州州同一員駐劄州城上自永安河尾起下至江都縣界止江都縣主簿一員駐劄府城修防運河汎地上自高郵州界起下至灣頭牐止江都縣縣丞一員駐劄府城修防運河汎地上自灣頭牐起下至瓜洲止儀徵縣縣丞一員駐劄縣城修防本城運河汎地是揚河通判一員管轄高寶江儀四州縣之運河事務其興化泰州等州縣下河事務向亦揚河通判管理康熙三十一年總河靳輔疏稱揚州府管河通判管轄高寶江儀四州縣運河事務頗繁更兼興泰如通四州縣之下河地方遼濶通判一員不能兼顧且下河已設立運河減水壩又且建牐疏通一切溝洫渠堰必得專員應請將下河興泰如通並范公隄串場河等處分與揚州府管糧通判兼管移駐泰州至泰州幅員甚廣向止州判一員亦難總理應令該州州同酌量分管如皋縣亦無管河專員應將興化縣縣丞裁去改爲如皋縣管河縣丞其通州興化鹽城海州四州縣河道俱應責成該州縣州同州判縣丞管理而令廟灣同知兼轄鹽城海州知州兼轄本州州同經部議覆准行至康熙三十二年總河于成龍疏稱瓜洲儀徵河道牐座

爲漕運經由之徑最爲緊要向係揚河通判管理今查揚屬河道自寶應縣交界起南至儀徵縣江口止縣長三百餘里內高郵之永安工及各減壩甚屬危險再加瓜洲儀徵河道修防插座啟閉以及催償挑浚一切事宜勢難彼此兼顧應將瓜洲儀徵河道插座事宜歸江防同知專管自是揚州府管河通判移駐高郵專管高寶江三州縣運河工程所轄寶應縣縣丞一員主簿一員高郵州州同一員州判一員江都縣縣丞一員主簿一員揚州府江防河務同知原駐瓜洲所轄儀徵縣縣丞一員瓜洲插座官一員專管插夫一百五十五名儀徵縣

清江插座官一員插夫一百五十四名揚州府下河通判專管興泰如通四州縣下河河道駐劄泰州所轄泰州州同一員州判一員分管本州下河河道西溪司巡檢一員專管丁溪草堰二插插夫六名興化縣縣丞一員專管本縣下河河道安豐司巡檢一員專管白駒三插插夫六名通州州判一員專管本縣下河河道如皋縣縣丞一員專管本縣下河河道其河營武職自康熙十七年總河靳輔請設江南河兵八營罷淮揚徐等州縣隄淺夫此河營所自昉也揚屬河營守備一員管轄高寶江三州縣工程督率五汛千總把總五員戰守兵

六百十三名寶應縣運河把總一員專管汎地上自寶應縣黃浦起下至劉家堡止一帶工程寶應縣運河千總一員專管汎地上自劉家堡起下至界首鎮止一帶工程高郵州運河千總一員專管汎地上自界首鎮起下至永安河尾止一帶工程高郵州運河把總一員專管汎地上自永安河尾起下至江都縣界止一帶工程江都縣運河把總一員專管汎地上自江都縣界起下至江都縣灣頭臨止一帶工程此從前定制見於史籍及

國朝會典並傳澤洪行水金鑑諸書者也自後又因揚河

通判所管汎地仍遠將駐劄泰州管理下河之揚糧通判移駐邵伯所管汎地上自露筋與揚河通判接界下至灣頭與江防同知接界其下河事務添設同知駐劄東臺而以兩淮鹽運使兼管後因東臺建為縣治復將東臺水利同知裁改自是揚州河務定為三廳曰揚河通判曰揚糧通判曰江防同知茲據三廳所掌分晰臚列於後

揚州河道向歸淮揚道統轄嘉慶九年以淮揚河道所管河道太長將揚糧通判江防同知所管河道奏改常鎮道管理其下河水利仍依舊制歸兩淮鹽運司兼管

揚河廳通判一員守備一員俱駐劄高郵州城內管轄寶汜永高四汎員弁隄河工程上接淮安府裏河

廳山寶交界起下至揚糧廳高甘交界止計程一百七十里所管東堤一道計長二萬五千九百二十八丈九尺西堤一道計長二萬四千九百九十丈寶應西岸臨湖越堤一道計長一千九百六十三丈五尺所轄寶應汛縣丞一員駐劄寶應縣把總一員駐劄寶應縣分管河道北自裏河廳平橋汛界起南至汜水汛界止計程四十里東隄長六千五百八十六丈五尺堤頂牽寬三丈至三丈五尺及四丈底牽寬七八丈牽高八尺至八尺五寸及九尺內黃浦插金門寬一丈二尺六寸石高十三層康熙十三年建乾隆二十四年復修水入蜺蠓蕩由鹽邑歸海喬家洞學洞俱口寬一尺二寸嘉靖三年建孫家洞口寬一尺八寸萬曆三十九年建護城磚工自太平菴起至洪濟插止長七百八十六丈高八尺四寸至一丈四尺四寸乾隆二十四年建躍龍插洞金門寬一尺八寸六分康熙二十五年建湯問洞口寬一尺六寸嘉靖三年建西隄長六千五百八十四丈五尺隄頂牽寬一丈四五尺底牽寬五六丈牽高六七尺內葉雲洞口寬一尺六寸康熙五十五年建竹絡壩口門寬八丈雍正九年移建葉雲雙孔插金門各寬一丈乾隆

四十三年建王龍洞口寬一尺六寸康熙四十九年
建梁淮洞口寬一尺六寸康熙五十一年建以上兩
岸涵洞俱係民修水溉民田通湖牖一座金門寬一
丈乾隆五十年建係民建民修水入寶應湖西岸臨
湖越隄一道計長一千九百六十三丈五尺內白田
一舖對河磚工長二百二十八丈高一丈康熙三十八
年建杵鈎灣起至宋家尖止石工長一千六百三十
六丈五尺萬麻四年建接連石工長六十七丈康熙
三十八年建又接連磚工長三十二丈乾隆十一年
建以上磚石俱高十層遇損壞隨時詳請修補原設
戰守兵丁一百五名每年額採兵草一萬一千二百
四十束兵柳四千七百三十束例積土一千二百三
十方堡房二十間堡夫四十名額積土二千四百方
汜水汛主簿一員駐劄寶應縣千總一員駐劄寶應
縣界首地方分管河道北自寶應縣界起南至永安
汛界止計程四十里東隄長五千六百六十一丈九
尺隄頂牽寬三丈至三丈五尺及四丈底牽寬六丈
至六丈五尺及七丈牽高八尺至八尺五寸內朱馬
灣石工長一百二十丈石高十層康熙十八年建減
水雙孔牖一座金門各寬一丈乾隆四十三年建朱

馬灣插金門寬六尺六寸天啟元年建郎兒插金門
寬六尺六寸嘉靖三年建永安插金門寬三尺六寸
康熙十一年建子嬰北插金門寬一丈一尺乾隆五
年建子嬰滾壩三圈每圈各寬二丈康熙十九年建
久廢不開子嬰南插金門寬一丈一尺康熙十年建
以上插工五座石高十二三層不等水入廣洋湖沙
溝湖由鹽邑天妃插歸海南洪濟攔河大插東牆石
工長二十一丈石高二十二層萬曆十二年建乾隆
四年拆去兩牆石工改寬以順水勢從家洞張成洞
胡成洞軍民洞俱口寬一尺二寸嘉靖三年建風水

洞口寬一尺二寸順治十四年建俱係民修水溉民
田七里插裏頭舊石工長二十四丈前明末年建迎
恩樓石工長三十五丈乾隆四年改建俱石高十二
層西隄長五千一百四十五丈七尺隄頂牽寬三丈
五尺至四丈底牽寬六丈至七八丈牽高七尺至九
尺迎湖海臺菴磚工長二百四十丈磚石高十六層
乾隆十二年建柳園頭迎河舊石工長十丈石高十
二層前明末年建柳園頭迎湖磚工長七十丈計九
層乾隆二十六年建又舊石工長二百二十丈乾隆
三年建乾隆八年加修又接連石工長八十丈康熙

三十八年建俱石高十層湖內有金汭澗河長一千九十二丈大新河長一千八十餘丈小新河長一千一百五十餘丈廟基港河長五百九十餘丈大舊河一道長十里各河尾間汜光界首諸湖原設戰守兵丁八十六名每年額採兵草一萬一千二十束兵柳二千九百七十束例積土一千一百八十五方堡房二十間堡夫四十名額積土二千四百方永安汎州判一員駐劄高郵州千總一員駐劄高郵州清水潭地方分管河道北自汜水汎界起南至高郵汎界止計程四十里東隄長五千五百一十二丈隄頂牽寬

三四五丈底牽寬七八丈牽高八九尺內界首牐金門寬四尺六寸石高十三層順治十年建水入沙溝由鹽邑歸海看花洞口寬一尺八寸嘉靖三年建係民修水溉民田慶豐洞口寬一尺八寸嘉靖三年建係民修水溉民田西隄長五千一百十二丈六尺隄頂牽寬三丈五尺至四丈底牽寬七丈牽高六尺五寸至七八尺內迎湖石工界首起至七里牐止石工長一千七十五丈七尺康熙三十八年建七里牐起至六滿牐止石工長一千六百二十五丈五尺康熙四十一年建六滿牐起至北裏頭止石工長一千四

百四十一丈四尺前明末年建康熙三十五年加修北裏頭起至南裏頭止石工長九百七十丈康熙四十一年建以上石工石高十層至十一二三層遇有損壞隨時詳請補修其湖面上達泚光湖下達高郵湖通共南北長一百餘里東西寬八十餘里原設戰守兵丁六十四名每年額採兵草二萬八千九百八十束兵柳二千三百五十束例積土七百三十五方堡房二十間堡夫四十名額積土二千四百方高郵汎州同一員駐劄高郵州把總一員駐劄高郵州分管河道北自永安汎界起南至揚糧廳甘泉汎界止計程五十里東隄長八千一百五十八丈五尺隄頂牽寬三丈至三丈五尺及四丈底牽寬六七丈牽高八尺內二牖頭牖火姚牖俱全門各寬四尺八寸石高十一層嘉靖三年建車邏牖金門寬一丈二尺石高十層乾隆五年建水俱由興鹽二邑各河道歸海通湖橋洞口寬一尺八寸康熙三十五年建南水關洞口寬一尺八寸康熙四十六年建琵琶洞口寬一尺二寸康熙五十年建以上三洞俱係官修水由城內市河入高郵官河由丁溪等牖下海八里舖洞口寬二尺五寸嘉靖三年建係民修水溉民田南關舊

大壩長六十六丈係土底康熙三十八年建永閉不
開五里中壩長五十丈係石底康熙四十七年建柏
家墩舊大壩長五十四丈係土底康熙二十年建永
閉不開南關大壩長六十六丈車邏大壩長六十四
丈均係石底康熙四十一年建乾隆十一年加高底
石一層乾隆二十六年封土高三尺南關新壩長六
十六丈乾隆二十三年建以上南車二壩必遇壩上
過水五尺始行開放宣泄其東隄護城磚工長一千
六百八十八丈磚高十五六層至二十層康熙六十
一年建乾隆五年加修三四五層又車邏鎮磚工長
七十三丈乾隆二十六年建三十里舖磚工長二百
二十二丈乾隆二十三年建西隄長八千一百四十
七丈二尺隄頂牽寬三丈至三丈二尺底牽寬六丈
牽高八尺內迎湖石工長三千四百四十八丈六尺
石高十二層又臨河磚工長二百九十五丈六尺計
十二層均係前明末年建通湖港二十二處共長三
百餘丈康熙十八九等年濬港口之外越河一道長
三千一百餘丈湖內王家港河長一千七百四十餘
丈茆塘港河長一千一百餘丈舊茆塘港河長一千
八百餘丈湖面上接界首等湖南北長一百餘里東

西寬八十餘里原設戰守兵丁九十五名每年額採
兵草二萬九千七百六十束兵柳二千五百五十束
例積土九百九十方堡房二十五間堡夫五十名額
積土三千方

揚糧廳通判一員駐劄邵伯鎮管轄甘江汛員弁守
備一員駐劄瓜洲兼管江防揚糧兩廳汛地其隄河
工程上接揚河廳交界起下至江防廳交界止計程
四十七里零所管東隄一道土掃磚石工長九千九
百丈西隄一道自交界起至通湖港止工長三千三
百五十九丈所轄甘江汛主簿一員把總一員駐劄

邵伯鎮分管河道北自揚河界起至江防廳界止計
程四十七里零隄牽寬三四丈不等運河長八千五
百十七丈河面寬十餘丈不等內東岸磚工間段共
長九百二十一丈石工間段共長八百五十八丈五
尺崇家灣舊有柴工於嘉慶十一年五月內汎水浩
瀚漫溢補築柴工長一百二十五丈荷花塘舊有柴
工於十一年五月內汎水浩瀚漫溢復於嘉慶十三
年六月內汎水長發漫溢荷花塘裏口舊有越隄一
道久未修葺坍塌現補做工長四百九十六丈西岸
土工共長六百七十丈迎湖石工北自交界起至三

溝牖止共長二千五百七十丈荷花塘西岸補築柴
工長二百一十丈又南首於嘉慶十三年漫溢補還
接築柴工長一百四十八丈零西岸分泄湖水入運
各港內露筋小河口寬十二丈長八十五丈久經堵
閉黃泥港口寬十丈長一百二十丈通湖港口寬十
丈長五百一十丈鰵魚嘴港口寬十丈長十丈菜花
港口寬六丈長八十丈奶奶廟港口寬六丈長一百
一十丈城隍廟港口寬六丈長一百二十丈木排港
口寬十丈長七十八丈紅橋港口寬三丈長八十五
丈小石橋港口寬一丈五尺長七十五丈鐵牛港口
寬十四丈長九十五丈梁家港口寬十二丈長二百
七十四丈母家港口寬四丈長一百四十丈越河頭
口寬十二丈長九十五丈越河尾寬十四丈槐子河
口寬六丈長七百四十丈東岸分泄歸海歸江各牖
壩內昭關壩金門寬二十四丈兩牆各高一丈二尺
乾隆二十二年建又二十六年奏明壩脊加築封土
三尺壩脊高運河底一丈三尺五寸水誌長至一丈
四尺始行開放續經定議長至一丈六尺七寸方准
開放水由興化縣境歸海減水三牖金門寬八尺久
經堵閉金灣北牖一座計二門每門各寬二丈二尺

三
卷之十四
五
插下引河水由人字河芒稻河歸江金灣中插一座
計二門各寬一丈六尺水滙入北插引河歸江又嘉
慶十一年于此河相對處所開挑支河一道通達越
河以濟鹽運其河長三十六丈金灣新壩一座口門
寬三十丈外建木橋水滙入北插引河歸江金灣舊
壩一座口門寬五十丈外建木橋上泄邵伯諸湖之
水下注董家溝歸江東灣壩一座口門寬三十六丈
外建木橋上泄邵伯諸湖之水滙入西灣壩下引河
西灣壩一座口門寬二十四丈外建木橋滙入石羊
溝沙河港歸江鳳凰北木橋一座口寬十丈外建木

橋水滙入南橋引河鳳凰磚橋一座口寬一丈二尺
泄水滙入南橋引河鳳凰南木橋一座口寬十二丈
外建木橋上泄邵伯諸湖之水滙入廖家溝石羊溝
歸江壁虎北木橋一座口門寬二十丈外建木橋上
泄邵伯諸湖之水滙入灣頭插下引河出廖家溝歸
江壁虎中木橋一座口門寬十丈外建木橋滙入磚
橋引河歸江壁虎磚橋一座計二門各寬一丈上泄
邵伯諸湖之水滙入灣頭插引河出廖家溝歸江灣
頭插一座金門寬二丈四尺上泄邵伯諸湖之水出
廖家溝歸江插下鹽運河長一萬五百十七丈至泰

州斗門交界兩岸係高阜民田以上鳳凰壁虎灣頭
每年冬間水小經鹽務衙門堵築灣頭插下河道孔
家涵河面寬三丈六尺上下河道通達與東鹽阜爲
商民通行要津嗣經鹽務衙門改建石牐其啟閉亦
由鹽務衙門相機辦理廖家溝一道河面寬十丈水
出喬子溝河入舊沙河港歸江石羊溝石滾壩一座
上口寬四十五丈下口寬二十丈水由喬子溝入沙
河港歸江董家溝石滾壩一座水由朱公橋韓家灣
出八港口歸江芒稻西牐一座七門每門各寬二丈
磯心六座東牐一座三門每門各寬二丈磯心二座

水由芒稻河李墅河出八港口歸江設官一員牐夫
二十名秦塘港河頭石牐一座金門寬一丈水由于
家橋張綱鎮萬壽橋入八港口歸江白塔河百汊河
石牐一座金門各寬一丈水由焦家蕩吳家橋入大
橋鎮歸江沿隄設堡房二十七座共設夫五十四名
每年應積土二千二百八十方遇閏加積額設河兵
九十八名內奉裁撥歸葦蕩營二十四名存汛兵七
十四名每年冬九兵額採草一萬束額柳三千束額
土五百七十方遇閏加積

江防廳同知一員管理河道工程上自揚糧廳交界

灣頭牐南牆柴工頭起下至瓜洲江口止計程五十七里三分計長一萬三百十四丈東西兩岸並無土隄磚石工程所轄江都縣管河縣丞一員駐劄揚州專管江儀運河自灣頭牐南牆起至三汊河止又迤西至東石人頭止計程四十三里所管東岸沙壩泄水小牐一座係宋雍熙初年建造牐下引河長四千五百五十丈每年伏汛開放泄水至沙河港入江乾隆五年水利案內修補牐座重挑引河東岸洋子橋泄水小牐一座係萬曆二十年建牐下引河長二千二百三丈每年伏汛開放泄水至深港入江又揚州

附城東岸緯道從前概建板工於雍正八年起逐漸改易埽工現今搶修埽工長二千一百餘丈每年例入搶修案內報銷每年春修及伏秋汛內補修俱係擇緊間段廂做原無一定工程高寬丈尺又三汊河迤西起至儀徵縣江口止計程五十五里兩岸並無工程其一帶河道凡有淤淺向係鹽務衙門委員勘估動支運庫錢糧挑浚儀徵縣管河縣丞一員駐劄儀徵管轄運河自江儀交界東石人頭鎮起至嚮水牐計程四十里兩岸並無泄水牐座間有木涵俱係民建灌溉田禾不通大江水道儀徵縣清江牐牐官

一員駐劄儀徵管轄嚮水通濟羅泗攔潮四牐係前
明末年建牐下河道共長六百九十丈額設牐夫一
百二十名啟閉蓄泄行漕出江嚮水攔潮二牐於雍
正十三年重修通濟羅泗二牐乾隆九年重修又於
乾隆三十一年重修又於嘉慶四年重修嚮水牐座
又於乾隆四十二年重修係動運庫錢糧瓜洲司兼
管河務巡檢一員駐劄瓜洲管轄運河上自三汊河
起下至瓜洲花園港一帶江工止計程二十四里三
分所管瓜洲廣惠牐一座係前明末年建造乾隆十
一年堵閉仍開由牐之上青蓮菴舊越河行漕出江

原設牐官一員於乾隆二十一年移駐丹徒縣專司
橫越二牐裁存牐夫十二名交瓜洲巡檢衙門董率
其瓜洲江工於康熙五十五年創建現今歲修工長
七百餘丈每年例入歲搶修案內報銷係險要之工
每年春修及伏秋汛內補修俱係相機擇緊修做並
無一定高寬丈尺江防河營守備一員駐劄揚州管
理運河緯道江工兼管江防揚糧二廳汛地督率汛
弁河兵修防工程江防汛把總一員駐劄瓜洲專管
江儀江防二汛緯道埽壩各工率兵修防江工力作
兵三十六名每年霜降後額積土五百四十方汛內

並無浚柳船隻柳草等項江工堡房四座計十二間
堡夫二十名除寒暑兩月外額積土一千二百方

重修揚州府志卷之十四

